

Fundargerð 93. fundar

skólamálanefndar sambandsins

Árið 2015, mánudaginn 8. júní kl. 10:30 kom skólamálanefnd sambandsins saman til fundar í Hlaðbúð, Borgartúni 30 í Reykjavík.

Fundinn sátu: Helga Guðmundsdóttir, Karl Frímannsson, Kolfinna Jóhannesdóttir, Margrét Halldórsdóttir og Skúli Helgason.

Að auki sátu fundinn Guðjón Bragason sviðsstjóri, Klara Eiríka Finnbogadóttir sérfræðingur í skólamálum, Valgerður Freyja Ágústsdóttir sérfræðingur, sem ritaði fundargerð, og Svandís Ingimundardóttir sem stýrði fundi.

Fundargerðin var færð í tölvu.

Þetta var tekið fyrir:

1. Greining á framkvæmd menntastefnu um skóla án aðgreiningar - 1303086SA

Skýrsla starfshóps um greiningu á framkvæmd menntastefnu um skóla án aðgreiningar lögð fram til kynningar og umræðu

Skólamálafulltrúi greindi frá helstu niðurstöðum starfshópsins, þeim gögnum sem lágu þeim til grundvallar og næstu skrefum. Fram kom m.a. að Menntavísindastofnun vann tvær greiningar fyrir starfshópinn, annars vegar samantekt á lögum og fræðilegu efni og hins vegar greiningu á gögnum um sérkennslu frá Hagstofu Íslands. Starfshópurinn gerir það að tillögu sinni að send verði umsókn til Evrópumíðstöðvar um nám án aðgreiningar og sérþarfir og óskað eftir sambærilegri úttekt á Íslandi og Malta fór nýverið í gegnum. Skólamálanefnd tók undir með starfshópnum um mikilvægi þess að fá frekari greiningu á þróun, framkvæmd og ekki síst árangri skólasterfs á grundvelli menntastefnu um skóla án aðgreiningar. Leggja verður mat á framkvæmd og árangur út frá hagsmunum og taka ákvarðanir um frekari þróun á þeim grundvelli.

2. Stuðningur við börn með fjölpættan vanda í skólakerfinu - 1504039SA

Guðjón Bragason greindi frá umfjöllun stjórnarfundar um málið. Drög að svari sambandsins lögð fram til umræðu.

Skólamálanefnd lagði á það áherslu að lausn mála vegna þeirra barna sem glíma við alvarlegan vanda væri sameiginlegt viðfangsefni ríkis og sveitarfélaga og ávallt þurfi að setja hagsuni og velferð barnsins í brennidepil. Skólamálanefnd telur að lausn felist ekki endilega í að auka sérfræðisþjónustu heldur verði að greina hvort þau úrræði sem boðin eru skili barninu tilætluðum árangri, með tilvísun í skýrsluna sem rædd var undir fyrsta dagskrárlíð. Þá sé mikilvægt að líta til þess hvernig nágrannalöndin vinna að sambærilegum málum og læra af þeim.

Drög að svari sambandsins við áskoruninni, að teknu tilliti til ábendinga

nefndarinnar, verða lögð fyrir næsta stjórnarfund.

3. Framtíðarsýn leikskólans - 1112030SA

Afstaða skólamálanefndar til forgangsroðunar og framkvæmdar aðgerða í tengslum við framtíðarsýn leikskólans.

Skólamálanefnd ræddi tillögur til úrbóta sem settar eru fram í skýrslu með niðurstöðum stefnumótunarfundar um framtíðarsýn leikskólans. Fram komu ábendingar um að þegar unnið verði að framtíðarsýninni ætti að leggja áherslu á hæfni í samræmi við nýja aðalnámskrá og tilgreina með hvaða hætti skuli stuðlað að auknum námsárangri leikskólabarna. Skólamálanefnd tekur undir mikilvægi þess að efla stjórnendur leikskóla í starfi.

4. Samráðsfundur sambandsins og Menntavísindasviðs Háskóla Íslands - 1401026SA

Lokahönd lögð á undirbúning samráðsfundar með MVS sem haldinn verður e.h.8. júní.

Skólamálafulltrúi fór yfir dagskrá og áherslur þessa fyrsta formlega samráðsfundar sem haldinn er á grundvelli viljayfirlýsingar Menntavísindasviðs HÍ og sambandsins um faglegt samstarf á vettvangi skólamála, dagsett 8. október 2014.

5. Skólaþing sveitarfélaga 2015 - 1505035SA

Hugmyndir skólamálanefndar um áherslur næsta skólaþings sveitarfélaga reifaðar.

Skólamálanefnd lagði til að skólaþingið, sem haldið verður 2. nóvember nk., yrði helgað tveimur meginviðfangsefnum. Annars vegar læsi, með áherslu á bæði leik- og grunnskólastig, og hins vegar þurfi nýtt vinnumat grunnskólakennara að fá gott rými í dagskrá.

6. Samþykkt stjórnar SSH vegna kjarasamninga grunnskólakennara lögð fram til kynningar - 1506209SA

Skólamálanefnd lýsti yfir ánægju með samþykkt stjórnar SSH

Fundi var slitið kl. 12:20